

Beihert

2 *

S 177

1245 (1244) Febr. 21 Nürnberg.

[13

König Konrad verpfändet dem Wildgrafen Conrad das Dorf Weilerbach (bei Kaiserlautern). 177

Conradus divi augusti imperatoris Friderici filius, Dei gracia Romanorum in regem electus semper augustus et heres regni Jerusalem. Universis presentem paginam inspecturis fidelibus suis graciam et omne bonum. Tenore presencium publice protestamur, quod nos . . . Comiti Silvestri fidei nostro villam, que Wilrebach dicitur, cum officiis ad eam spectantibus et aliis eius pertinenciis universis pro quadringentis et sexaginta marcis, in quibus tenemur eidem, de plenitudine nostri consilii, videlicet Godefridi de Hoenlog, Craftonis de Boxperch, Conradi de Smidvelt, Walteri Pincerne de Limpurch et aliorum familiarium nostrorum obligavimus sub hac forma, quod omnes proventus ville predictae et eorum, que ad eandem villam pertinere noscuntur,

intactati et sine diminucione qualibet usque ad epifaniam Domini proximam reserventur; et si usque ad predictum terminum comiti memorato debitum suum non fuerit persolutum, ipse comes extunc se de memoratis proventibus sine contradictione qualibet intromittet; et deinceps sepedictam villam cum omnibus eius pertinenciis, prout superius continetur, titulo pignoris usque ad integram solucionem sui debiti possidebit. In cuius rei testimonium eidem comiti presentem paginam dari fecimus sigilli nostri caractere roboratam. Actum apud Norenberc anno Domini M^oCC^oXLIII^o, vicesimo primo die Februarii, indictione tercia.

Orig. Großes Siegel, teilweise zerstört, an rotgrünen Seidenfäden; Kyrburg Nr. 35. — Regest Goerz a. a. D. III, Nr. 415; Böhmer-Fieder, Reg. Imperii V, Nr. 4495; gedr. Winkmann Acta I, S. 404 Nr. 483; vergl. Neues Archiv 29 S. 671.